

2010 年度韻文科學生創作選輯

1

秋日逢故友 葉振希

秋圃饒詩意。喜今菊雨沾。相逢珍此日。把臂問何年。

深秋有懷 葉振希

太平嶺上太平呈。遠眺群山景像清。方自情傷秋逝早。忽然煙霧阻人行。

自註：昨日與友人行山，眾皆喜見秋高氣爽，然嘆惜此景不常，因成此拙句。

夜讀 葉振希

齋小燈斜影照單。秋深月白露微寒。讀書豈計文章價。一慰平生不懼難。

浪淘沙 歲暮 葉振希

仙嶺惜秋殘。黃透層巒。衣單不抵凜風寒。意決可攀千丈險。此志需堅。
信步道峰間。落葉盈原。蓬萊化境在當前。放下凡塵庸俗念。坦蕩情緣。

.....

2

秋日搬屋(四首) 宋依丹

十月涼風至。簇簇秋菊澄。舊屋重修葺。佈置顯才能。

七坪陋室中。恰好容枕席。書桌與櫃椅。橫豎總相迫。

勞勞汗濕衣。隔窗覺風冷。曲折羊腸路。時見疏花影。

挪移需巧思。非仗有軸承。事成心愜意。更喜菊花榮。

太平山夜眺 宋依丹

琥珀街燈照小丘。銀鱗水面肆浮游。樓台和月鑲天幕。兩岸霓虹倒影流。

夜讀 宋依丹

為愛悠閒書卷橫。自憐愜意案燈明。興濃釋卷偷偷笑。怕被家人問幾更。

蝶戀花 歲暮失君 宋依丹

誰道尋常涼夜霧。生離死別。方寸迷前路。我欲留君君不住。當初恨不爭朝暮。
落葉飛花嗟無主。物理循環。試解芳心苦。幸有亭亭如蓋樹。人間留個牽情處。

3

秋至(兩首) 荀陽

淒風隨冬來，柔風隨夏在。南北共秋時，情致卻兩態。

遊人久在外，可待幾時會。難知彼心意，此情又怎奈。

幽思 荀陽

黯淡煙光柳影連。花眸怨對惹人憐。尋常晚夕層層溢。獨抱愁思臥榻眠。

校園漫步 荀陽

涼風陣陣撫眉間。月影斑斑照玉顏。信步悠閑遊學苑。書中意味百千般。

蝶戀花 歲暮 荀陽

蘸水流花無影對。回望空枝。記取來時翠。倚暖欄杆沉欲睡。覺來猶在高牆內。
陌上黃泥新踏碎。點點寒鴉。似灑傷心淚。秋曉書聲傳耳裏。默持冰片敲環佩。

4

秋 陳子樂

新菊園中綻。黃葉鋪滿山。日落鳥獸散。月出樓臺間。風斜拂路人。斯人乃形單？斯人非形單。影月共成三。物我豈有礙。同遊意閒閒。

深秋有懷 陳子樂

黃衣一片蓋山胸。暖去寒來正入冬。人世興衰如四季。春回遍野綠如縫。

浪淘沙 歲暮遙念南北韓戰火 陳子樂

寒至葉凋零。戰鼓雷鳴。無情砲火響延坪。磚瓦無全人命喪。塗炭生靈。
新婦念閨情。母想征兵。驚聞愛子已歸冥。歲暮應當團聚日，好夢難成。

5

深秋有懷 招浚修

清風拂面輕寒浸。坐看平湖鷺似酣。兩岸枝垂紅欲落。朝暉怎未破煙嵐。

夜讀有感

招浚修

竟晝奔馳因斗米。初宵騁抱在車書。剪燈細味歸田錄。欹枕還游靜志居。

自註：《歸田錄》，歐陽修著。靜志居全名《靜志居詩話》，清·朱彝尊撰。

浪淘沙 歲暮懷西北英魂

招浚修

亂雪暗遙空。玉樹愁容。哀鴻聲斷淚難終。黃葉捨身乘霧去。半載長風。
誰怕路千重。越嶺攀峰。繫心苗圃抵隆冬。天縱無情人有愛。薪火無窮。

6

太平山遠眺

陳家豪

千燈遍照太平山。眩惑雙眸未得閒。浩瀚星塵離我遠。仰天猶可解愁顏。

夜讀

陳家豪

孫懸健髮根將脫。蘇刺完膚血欲流。翻笑蛾飛燈影亂。幸留書卷解憂愁。

蝶戀花 歲暮返故居

陳家豪

葉落風飄如響哨。褪色窗花。鴉雀紛譏謔。斜影寒暉相冷照。塵污陶像當時俏。
木馬搖搖年正少。憶念童真。戀戀燈中耀。殘畫無題添美妙。彌喃慈佛常歡笑。

7

孤菊

陳天妍

秋色至空山。葉落滿庭間。眾艷皆不再。唯見黃花在。涼風仇百芳。獨愛此一香？幽菊性孤傲。拔俗厲清操。

太平山夜眺

陳天妍

茫茫雲縷似仙姿。踏石遙觀雨霽時。遊客騁懷多雅興。銀星遍地賦新詩。

理工校園漫步

陳天妍

赤壁朝霞映葉紅。烏牆暮影照晴空。毋思富戶清瓷業。莫笑貧家俗瓦功。

浪淘沙

陳天妍

雙鳥語啾啾。葉影幽幽。寒風吹得樹低頭。夢裏難知情意切。一夕深秋。
泉涸礙魚游。抱恨沉浮。撫琴弄韻引離愁。不惜落花流水意。蝶影難留。

8

憶舊 龐國榮

把臂同遊似祝梁。衾薄凍醒怨夜涼。無端侵擾吾好夢。猛憶童時天未光。

晚秋 龐國榮

兒時戲玩逢秋爽。乍見葉黃淚染巾。緣是不堪君遠別。早眠欲見夢中人。

校園漫步 龐國榮

畢業生徒忙照相。在修學子恐科期。鮮花手捧開顏笑。猶記五更苦讀時。

浪淘沙 龐國榮

窗外雨和風。又到嚴冬。夢中忽見一兒童。似欲含羞傾舊事。惜也朧朦。
半夜喚家傭。糖水來供。湯圓憶起秀冬容。容易別時難見面。何日重逢。

自注：余有一舊友，生於冬至日，故取名秀冬。惜雙方緣薄，致天各一方。每憶伊人，但囑工人煮湯圓，聊解思苦。

9

無題 耿天元

夫子傳堂訓。命我賦秋涼。橋頭方舉目。一時愁斷腸。

尋秋 耿天元

西陸蟬影難得見。東壁促織已他遊。鬧市梧桐少寂寞。何勞殘月鎖清秋。瓊樓玉宇連空聳。
又見城巴似水流。低頭拾得無根草，也算拈來一片秋。

夜讀(七絕) 耿天元

周經秦史東西卷。漢賦唐詩左右篇。濁酒孤燈窮皓首。冷茶斷筆歎皺顛。
(後續四句，再成七律)

修身那怕頭催白。自律何須再借鞭。莫笑鯤鵬肩月志。休欺愚叟效前賢。

浪淘沙 耿天元

岩下水潺潺。楓落秋闌。催苞更借朔風寒。未睹懸冰終不放。且慢言歡。
翹首一憑欄。極目東山。霜封雪浸見卿難。謔語含羞愁甚也。總在人間。

10

秋思

劉少恒

中秋明月夜。萬戶慶團圓。別井離鄉客，憑窗望遠天。

太平山夜眺

劉少恒

東方絢麗一珠潛。點點瑩光入眼簾。百載桑田滄海變。回歸故土萬家瞻。

夜讀

劉少恒

蟬鳴斷續夜闌珊。卷籍勤修莫畏難。作賦填詞看綺戶。觀書譜樂倚欄干。

浪淘沙 歲暮

劉少恒

秋去北風寒。雪積池邊。冬梅盛放遍山間。幾許名花含蓄待。萬象欣然。
獨自倚窗欄。遙望峰巒。離家遊子幾時還。猶念祠前煙炮響。寄語慈顏。

11

秋行

阮小路

夜歸又朝出。深港兩地間。從來秋多事。我亦不得閒。

深秋感懷

阮小路

夕辭鄉土研經去。自此門閭阻萬巒。聞道今秋天縱冷。嶺南十月不知寒。

夜讀

阮小路

早年未體囊螢苦。今歲才知映雪寒。雖是夜深人已靜。書山伴我不孤單。

浪淘沙 歲暮

阮小路

冬至覺天涼。人在南方。看他暮色趁斜陽。轉眼匆匆時又過。幾寸韶光。
故地總難忘。人事滄桑。難求人與地天長。只冀有朝回梓里。恨便埋藏。